



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Concilivm Londoniense II. Pro Reformandis Moribvs Ecclesiae celebratum
in Anglia anno Domini MCXXVII. tempore Honorii papae II.

urn:nbn:de:hbz:466:1-15588

ANNO
CHRISTI
1137.

lierum nimis attendere : & ideo nec viduam, nec virginem, nec matrem, nec sororem, nec amitam, nec vllam aliam feminam, aliquis frater osculari præsumat. Fugiat ergo feminea oscula Christi militia, per quæ solent homines sæpe periclitari, vt pura conscientia & secura vita in conspectu Domini perenniter valeat conuersari. Et sic definit regula templariorum olim equitum, de quibus vide origines nostras equestres Latine & Gallice editas.

CONCILIVM LONDONIENSE II.
PRO REFORMANDIS MORIBVS ECCLESIAE
celebratum in Anglia anno Domini MCXXVII. tem-
pore Honorii papæ II.

NOTA.

* *Concilium.*] Quo loco & tempore, quo auctore, quave de causa & occasione hæc Synodus indicta, quid in ea constitutum fuerit, qui eidem præsentibus interfuerint, prædictus continuator Florentii Vigorniensis huius temporis scriptor multo fidelius quam Matthæus Paris, qui suo vicissim more calumniatur, descripsit allegato loco his verbis : *Guilielmus Dorobernensis archiepiscopus congregauit generale Concilium, omnium episcoporum & abbatum, & quarumque religiosarum personarum totius Anglia, apud monasterium sancti Petri in occidentali parte Londonia situm. Cui Concilio præsedit ipse sicut archiepiscopus Cantuariæ & legatus apostolica sedis, confidentibus secum Guilielmo Vintoniensi episcopo, Rogero Saresbiriensi, Guilielmo Excestrensi, Alexandro Lincolnensi, Herueo Eliensi, Euerardo Norwicensi, Sigefrido Cicestrensi, Ricardo Herefordensi, Godefrido Bathoniensi, Ioanne Roffensi, Bernardo de sancto David, Urbano Glamorgatensi siue Landauenfi, David Bangornensi. Ricardus Londoniensis & Robertus Couentrensis iam obierant, nec aliquis in sedem illorum eousque successerat. Turstanus autem Eboracensis archiepiscopus directis nuntiis ac literis, rationabili causa ostendit se Conuentui ipsi interesse non potuisse. Randulphus vero Dunholmensis episcopus eo tendens infirmitate correptus est, nec iter ceptum perficere potuit, sicut prior ecclesie, & clerici quos illuc direxerat, sub testimonio veritatis attestati sunt. Vigornensis autem episcopus Simon ad parentes suos trans mare iuerat, & nondum reuersus erat. Confluxerant quoque illuc magna multitudo clericorum, laicorum, tam diuitum quam mediocrium, & factus est Conuentus grandis & inestimabilis. Sedit autem tribus diebus, id est tertio Idus Maii, & die sequenti, tertioque post hoc, qui fuit decimusseptimus Kalendas Iunii, acta sunt ibi de negotiis secularibus nonnulla, quedam quidem determinata, quedam dilata, quedam vero propter nimium astuantis turba*

Locus, tempus, causa, & acta Concilii.

tumultum, ab audientia iudicantium profligata. Qua autem communi episcoporum consensu in ipso Concilio decreta sunt & statuta, sicut illic publice recitata sunt & suscepta, in hoc opere placuit annotare. Sunt igitur hac.

ANNO
CHRISTI
1127.

CAPITVLA.

I.

Ecclesias & ecclesiastica beneficia, seu quolibet ecclesiasticos honores, vendi vel emi, auctoritate beati Petri apostolorum principis & nostra, omnino prohibemus. Qui vero hoc præceptum violasse conuictus fuerit, clericus quidem, etiam si canonicus regularis sit vel monachus, ab ordine deponatur, laicus vero exlex & excommunicatus habeatur, & eiusdem ecclesiæ vel beneficii potestate priuetur.

II.

Ordinari quemquam per pecuniam in ecclesia Dei, vel promoueri, auctoritate sedis apostolicæ modis omnibus interdiciamus.

III.

Exactiones certas pecuniarum pro recipiendis monachis, canonicis, & sanctimonialibus, condemnamus.

IV.

Nullus in decanum nisi presbyter, nullus in archidiaconum nisi diaconus constituatur. Quod si quis ad hos honores infra prædictos ordines iam designatus est, moneatur ab episcopo ad ordines accedere. Quod si iuxta monitionem episcopi ordinari refugerit, eadem ad quam designatus fuerat careat dignitate.

V.

Presbyteris, diaconibus, subdiaconibus, & omnibus canonicis, contubernia mulierum illicitarum penitus interdiciamus. Quod si concubinis, quod absit, vel coniugibus adhæserint, ecclesiastico priuentur ordine, honore, simul & beneficio. Presbyteros vero parochiales, si qui tales fuerint, extra chorum eiicimus, & infames esse decernimus. Archidiaconis vero & ministris, quibus hoc incumbit, auctoritate Dei & nostra præcipimus, ut omni studio & sollicitudine procurent ab ecclesia Dei hanc perniciem omnino eradicare. Quod si qui in hoc negligentes, vel, quod absit, consentientes inuenti fuerint, primo & secundo ab episcopis digne corrigantur, tertio vero canonicè seuerius corripiantur. Concubinæ vero presbyterorum & canonicorum, nisi ibi legitime nupserint, extra parochiam expellantur. Quod si postea culpabiles inuentæ fuerint, in cuiuscumque territorio sint, a ministris ecclesiæ capiantur, & sub excommunicatione præcipimus, ne ab aliqua potestate minore vel maiore detineantur, sed libere eisdem ministris ecclesiæ tradantur, & ecclesiasticæ disciplinæ vel seruituti episcopali iudicio mancipentur.

VI.

Vt nullus archidiaconus in diuersis episcopatibus diuersos archidiaconatus teneat sub anathemate prohibemus: imo ei cui prius assignatus erat tantum adhæreat.

VII.

Episcopi, presbyteros, abbates, monachos,

priores subiectos, firmam tenere inhi-beant.

ANNO
CHRISTI
1117.

VIII.

Decimas sicut Dei summi dominicas, ex integro reddi præcipimus.

IX.

Vt nulla persona ecclesias vel decimas, seu quælibet alia ecclesiastica beneficia, det vel accipiat, sine consensu & auctoritate episcopali, canonica auctoritate vetamus.

X.

Nulla abbatissa vel sanctimonialis carioribus vtatur indumentis, quam agninis vel cattinis.

Rex igitur cum inter hæc Londonia moraretur, auditis Concilii gestis consensum præbuit, auctoritate regia & potestate concessit, & confirmavit statuta Concilii a Guilielmo Cantuariensi archiepiscopo & sanctæ Romanæ ecclesiæ legato apud Westmonasterium celebrati. Hæc ille.

CONCILIVM RAVENNATE,
QVO AQUILEIENSIS ET VENETIARVM
patriarchæ depositi sunt, anno MCXXVIII. tempore
Honorii papæ II.

ANNO
CHRISTI
1128.

NOTA.

Concilium.] De rebus in hac Synodo gestis ista breuiter Baronius: Quo tempore misit Petrum presbyterum cardinalem tituli sanctæ Anastasiæ Rauennam, vbi congregata Synodo deposuit Aquileiensem & Venetiarum patriarchas. hæc in veteri pontificali. Quæ autem causa intercesserit horum condemnationis, non inuenimus.

VITA ET EPISTOLÆ
INNOCENTII PAPÆ II.

ANNO
CHRISTI
1130.

Innocen-
tius quan-
do ponti-
fex factus.

INNOCENTIVS secundus, nobili familia Romæ natus, Gregorii nomine ante pontificatum appellatus, cuius vita & fama, teste sancto Bernardo in epistola ad episcopos Aquitaniæ, nullum æmulum timent, ex cardinale dia-

dia-